

Sinar Harian - 13 MAC 2016 -

Beri manfaat kepada ramai pelajar

Seramai 500 peserta bakal ikuti Program latihan Empower ECER tahun ini

KEMAMAN – Program Latihan Akademik serta Latihan Kemahiran dan Keusahawanan Empower Wilayah Ekonomi Pantai Timur (ECER) telah dimulakan sejak 2011 di daerah ini dan telah memberi manfaat kepada ramai pelajar.

Pengurus Kanan Bahagian Pembangunan Modal Insan Majlis Pembangunan ECER (ECERDC), Fauziah Hassan memaklumkan, program latihan akademik telah memberi manfaat kepada 2,000 pelajar miskin terdiri daripada pelajar sederhana dan lemah dari segi gred pencapaian akademik.

Manurutnya, bagi latihan kemahiran dan keusahawanan pula, 950 peserta mendapat faedah apabila dapat mempraktikkan kemahiran



Peserta kumpulan satu Program Empower ECER Latihan Kemahiran dan Keusahawanan 2016 bagi kawasan Kemaman yang menerima surat tawaran untuk meneruskan latihan, bergambar bersama Wan Abdul Hakim (duduk, tengah).

dipelajari untuk membuka perniagaan sendiri.

"Untuk tahun ini, seramai 500 peserta akan mengikuti kedua-dua program latihan berkenaan yang mana 300 pelajar baharu dari lapan sekolah, iaitu lima sekolah rendah dan tiga sekolah menengah, akan menyertai katanya.

Beliau berkata demikian

"Seramai 200 peserta lagi akan mengikuti Latihan Kemahiran dan Keusahawanan dengan 180 daripadanya merupakan peserta baharu, manakala 20 pelajar merupakan graduan Empower ECER dari tahun lalu yang merupakan peserta kumpulan satu," katanya.

Seminar 'Move The Heart'

pada Majlis Penutup Seminar 'Move The Heart' Empower ECER Kemaman yang disempurnakan Timbalan Pengurus Jawatankuasa Perindustrian dan Perdagangan negeri merangkap Adun Air Putih, Wan Abdul Hakim Wan Mokhtar di Intan Wilayah Timur (Intim), di sini.

bagi Program Latihan Akademik dikendalikan Ketua Penolong Pendaftar Pejabat Naib Canselor Universiti Sultan Zainal Abidin (UniSZA), Mejar (K) Ahmad Termizi Ab Aziz. Manakala seminar bagi Program Latihan Kemahiran dan Keusahawanan dikendalikan oleh Pengurus Besar UniSZA Consultancy

Sdn Bhd, Roslie Zakarya @ Derahman.

Mengulas seminar tersebut, Fauziah berkata, ia diadakan untuk memaklumkan serta memberi pendedahan dan panduan kepada ibu bapa dan guru mengenai persediaan perlu dibuat oleh pelajar yang akan mengikuti Empower ECER Latihan Akademik.

"Ia juga merupakan usaha perkukuhkan kefahaman serta kesedaran mengenai peranan ibu bapa serta guru dalam meningkatkan potensi akademik, juga sahsiah diri pelajar.

"Seminar untuk latihan kemahiran pula memberi kesedaran dan membuka minda peserta mengenai kepentingan meningkatkan kemahiran insaniah serta keusahawanan," katanya.